

Broj: 05-19-2-64/25  
Sarajevo, 23.01.2025. godine

Na osnovu člana 73. Uredbe o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, br. 25a/22, 42/22, 93/22 i 33/24), Federalno ministarstvo prostornog uređenja o b j a v l j u j e

## **JAVNI POZIV**

**za podnošenje prijava za dopunu Liste kandidata za  
sudjelovanje u radu Stručnog odbora za poslove ocjene validnosti dokumentacije  
neophodne za izdavanje rješenja o ovlaštenju za obavljanje poslova izrade  
investiciono-tehničke dokumentacije i stručnog nadzora i  
Stručnog odbora za poslove ocjene dokumentacije neophodne za izdavanje  
ovlaštenja za obavljanje izvođenja radova,  
za građevine i zahvate iz nadležnosti Federalnog ministarstva**

### **I**

Pozivaju se sve zainteresirane stručne osobe iz oblasti projektiranja i građenja (diplomirani inženjeri, magistri struke, magistri nauka i doktori nauka), sa najmanje sedam (7) godina radnog iskustva u struci, položenim stručnim ispitom i relevantnim iskustvom u oblasti građenja, te osobe visoke stručne spreme (VSS) ili minimalno 240 ECTS bodova I. ciklusa visokog obrazovanja pravne struke, sa pet (5) godina radnog iskustva u struci, za sudjelovanje u radu Stručnog odbora za poslove ocjene validnosti dokumentacije neophodne za izdavanje rješenja o ovlaštenju za obavljanje poslova izrade investiciono-tehničke dokumentacije i stručnog nadzora i Stručnog odbora za poslove ocjene dokumentacije neophodne za izdavanje ovlaštenja za obavljanje izvođenja radova, za građevine i zahvate iz nadležnosti Federalnog ministarstva.

### **II**

Za diplomirane inženjere, magistre struke, magistre nauka i doktore nauka uz prijavu sa tačnom adresom i brojem telefona potrebno je priložiti i sljedeće dokumente u originalu ili ovjerenj kopiju:

- diplomu o završenom fakultetu (za magistre struke, magistre nauka i doktore nauka potrebno priložiti i osnovnu diplomu sa minimalno 180 ECTS bodova I ciklusa),
- uvjerenje o položenom stručnom ispitu ili rješenje kojim se osoba oslobađa polaganja stručnog ispita,
- dokaz o radnom iskustvu iz tačke I javnog poziva,
- radnu biografiju sa referentnom listom poslova u čijoj izradi je sudjelovao (učestvovanje u izradi najmanje pet projekata i/ili na poslovima nadzora nad građenjem i/ili poslova voditelja radova određene vrste građevina).

### III

Za osobe visoke stručne spreme (VSS) ili minimalno 240 ECTS bodova I. ciklusa visokog obrazovanja pravne struke uz prijavu sa tačnom adresom i brojem telefona potrebno je priložiti i sljedeće dokumente u originalu ili ovjerenoj kopiju:

- diplomu o završenom fakultetu (za magistre struke, magistre nauka i doktore nauka potrebno priložiti i osnovnu diplomu sa minimalno 240 ECTS bodova I ciklusa),
- dokaz o radnom iskustvu iz tačke I javnog poziva,
- radnu biografiju sa relevantnim iskustvom u struci.

### IV

Ukoliko se lice prijavljuje za sudjelovanje u radu oba Stručna odbora iz tačke I ovog Javnog poziva, potrebno je dostaviti dvije odvojene prijave, s tim da se uz jednu prijavu dokumentacija prilaže u originalu ili ovjerenoj kopiji, dok se uz drugu prijavu može priložiti identična dokumentacija u kopiji.

### V

Lica koja ispunjavaju formalno-pravne uvjete za sudjelovanje u radu Stručnog odbora za poslove ocjene validnosti dokumentacije neophodne za izdavanje rješenja o ovlaštenju za obavljanje poslova izrade investiciono-tehničke dokumentacije i stručnog nadzora i Stručnog odbora za poslove ocjene dokumentacije neophodne za izdavanje ovlaštenja za obavljanje izvođenja radova za građevine i zahvate iz nadležnosti Federalnog ministarstva, po Javnom pozivu, broj: 03-02-1265/21-25 od 10.01.2024. godine nisu dužna ponovo da vrše prijavu na Javni poziv.

### VI

Prijave sa dokazima o ispunjavanju uvjeta iz tačke I javnog poziva podnose se u roku od 8 dana od dana objavljivanja Javnog poziva u sredstvima javnog informiranja, neposredno na protokol Federalnog ministarstva prostornog uređenja ili putem pošte na adresu:

**Federalno ministarstvo prostornog uređenja  
UI. Hamdije Ćemerlića broj 2  
71000 Sarajevo**

sa naznakom "Prijava za učešće u radu Stručnih odbora".

Nepotpune i neblagovremene prijave neće se razmatrati.

